



水經卷第二十七

桑欽撰

酈道元注



沔水附

沔水出武都沮縣東狼谷中

沔水一名沮水闕駟曰以其初出沮洳然故曰沮水也縣亦受名焉導源南流泉街水注之出河池縣東南流入沮縣會于沔

沔水又東南逕沮水戍而東南流注漢曰沮口所謂沔漢者也尚書曰喙冢導漾東流為漢山海經所謂漢出鮒嶠山也東北流得獻水口庾仲雍

云是水南至閼城合西漢水漢水又東北合沮口
同為漢水之源也故如淳曰此方人謂漢水為沔
水故孔安國曰漾水東流為漾蓋與沔合也至漢
中為漢水是互相同稱矣

沔水又東逕白馬戍南灋水入焉

水北發武都氏中南逕張魯城東魯沛國張陵孫
魯學道於蜀鶴鳴山傳業衡傳於魯魯至行寬惠
百姓親附公道之費未限五斗故世號五斗米道
初平中劉焉以魯為督義司馬往漢中斷絕谷道
用遠城治因即峭嶺週迴五里東臨濬谷杳然百

尋西北二百連峯接崖莫究其極從南為盤道登
陟二里有餘灋水又南逕張魯治東水西山上有
張天師堂于今民事之庾仲雍謂山為白馬塞堂
為張魯治東對曰馬城一名陽平關灋水南流入
沔謂之灋口其城西帶灋水南面沔川城側二水
之交故亦曰灋口城矣

沔水又東逕武侯壘南

諸葛武侯所居也南枕沔水水南有亮壘背山向

水有小城迴隔難解

沔水又東逕沔陽故城南城

城舊漢祖在漢中言蕭何所築也漢建安二十四年劉備并劉璋北定漢中始立壇即漢王位于此城其城南臨漢水北帶通達南面崩水三分之一觀其遺畧厥狀時傳南對定軍山曹公南征漢中張魯降乃命夏侯淵等守之劉備自陽平關南渡沔水遂斬淵首保有漢中諸葛亮之死也遺命葬乎其山因即地勢不起墳壟唯深松茂柏攢蔚川阜莫知墓營所在山東名高平是亮宿營處有亮廟亮薨百姓野祭步兵校尉習隆中書郎向克共表云臣聞周人思郡伯之德甘棠爲之不伐越人懷

范蠡之功鑄金以存其像亮德軌遐邇勤蓋來世王室之不壞實賴此人而使百姓巷祭戎夷野祀非所以存德念功追述在昔者也今若盡順民心則黷而無典建之京師又逼宗廟此聖懷所以惟疑也臣謂宜近其墓立之沔陽斷其私祭以崇正禮始聽立祀斯廟蓋所啓置也鍾士季征蜀枉駕設祠營東即八陣圖也遺基畧在崩襦難識

沔水又東逕西樂城北

在山上周三升里甚峻固城側有谷謂之容喪谷道通益周山多群遼諸葛亮築以防違梁州刺史

揚亮以即嶮之固保而居之爲符堅所敗後刺史姜守潘猛亦相仍此城城東容喪溪注之俗謂之洛水也水南遵巴嶺山東北流水左有故城憑山即嶮四面阻絕言先主遣黃忠據之以拒曹公溪水又北逕西樂城東而北流注于漢

漢水又在得度口

出平陽北山水有二源一曰清檢出佳獲二曰濁檢出好鮒常以二月八月取之美珍常味度水南逕陽平縣故城東又南逕沔陽縣故城東而南流注于漢水又東右會溫泉水口水發山北平地方

數十步泉源沸湧東夏陽湯望之則白氣浩然言能羸百病云洗浴者皆有流黃氣赴集者常有百數池水通注漢水

漢水又東黃沙水左注之

水北出遠山山谷邃嶮人跡罕交溪曰五丈溪水則有黃沙屯諸葛亮所開也其水南注漢水南有女郎山山上有女郎家遠望山墳嵬狀高及即其所裁有墳刑山上直路下出不生草水世人謂之女郎道下有女郎廟及禱衣石言張魯女也有小水北流入漢謂之女郎水

漢水又東合褒水

水西北出行嶺山東南逕大石門故歷棧道下谷俗謂千梁無柱也諸葛亮與兄瑾書云前趙子龍退軍燒壞赤崖以北間道緣谷一百餘里其閣梁頭入山復其一頭立柱於水中今水火而急不得安柱此其窮極不可強也又云頃大水暴出赤崖以南搗閣悉壞時趙子隆與鄧伯苗一戍赤崖屯田一戍赤崖一口但得緣崖與伯苗相聞而已後諸葛亮死於五丈原魏延先退而焚之謂是道也自後秦舊脩路者悉無復水中柱逕涉者浮梁振

動無不深心眩目也褒水又南東逕三交城城在三水之會故也一水北出長安一水西出北仇池一水東北出太白山是城之所以取名矣褒水又南東得丙水口水上承丙穴穴出嘉魚常以三月出十月入地穴口廣五六尺去平地七八尺泉懸注魚自穴下透入水穴口向丙故曰丙穴下注褒水故左思稱嘉魚出於丙穴良木攢於褒水又東南歷小石門門穿上通道六丈有餘刻石言漢明帝永平中司隸校尉掾為揚厥之所開逮靈帝建和二年漢太中大夫同郡王升嘉厥開鑿之功琢

石頌德以為石牛道來攻本蜀諭云秦惠王卻伐蜀而不知道作五石牛道以金置尾下言能屎金蜀王負力令五丁引之成道秦使張義司馬錯尋路滅蜀因曰石牛道厥蓋因而廣之矣蜀都賦曰岨以石門其斷之謂也門在漢中之西褒中之北褒水又東南褒歷口即褒谷之南口也北口曰斜所謂北出褒褒水又南迳褒縣故城東襄中縣也本襄國矣漢昭帝元鳳六年置褒水又南流入于漢漢水又東迳萬石城下城在高原上原高十餘丈四面臨平形若覆釜水南過水為岨西北并帶

漢水其城宿是流雜聚居故世亦謂之流雜城漢水又東迳漢廟堆下

昔漢所遊側水為釣臺後人立廟於臺上世人觀其類基崇廣因謂之漢廟堆傳呼畢實又名之為漢武堆非也

又東過南鄭縣南

縣故褒之附庸也周顯王之世蜀有褒南漢之地至六國楚兼之懷王衰弱秦畧取焉周赧王二年秦惠王置漢中郡因水名也耆舊傳云南鄭之號始於鄭桓公桓公死於大戎其民奔南故以南為

稱即漢中郡治也漢高祖入秦項羽封為漢王蕭何曰天漢美名也遂都南鄭大城周四十二里城內有水城南憑北結環雉金墉添并皆漢所脩築地沃川賡魏武方之雞肋曰釋騏驥而不乘焉皇皇而更求遂留杜子緒鎮南鄭而還晉咸康中梁州刺史司馬勳斷小城東面三分之一以為梁州漢中郡南鄭縣治也自齊宋魏咸相仍焉水南即漢陰城也相承言呂后所居也有廉水出巴嶺山北流逕廉川故水得其名廉水又北注漢水右合池水水出旱山山下有祠列石十二不辨其由蓋

社主之流百姓四時祈禱焉俗謂之獠子水夾漈諸由散流左注漢水

漢水又東得長柳渡

長柳村名也漢太尉李固墓碑銘尚存文字剝落不可復識漢水又東逕胡城南義熙十五年城上有密雲細雨五色昭章人相與謂之慶雲休符當出曉乃雲霽乃覺城前半許淪水出銅鍾十二枚刺史索邈奉送洛陽歸之宋府南對扁鵲城當是鉞人舊所逕涉故邑流其名耳漢水出于二城之間右會盤余水水出南山巴嶺上泉流兩分飛清

派注南入蜀水北注漢津消之磐余口庾仲雛曰
磐余去胡城二十里而其水出千二里之
漢水又左會文水
水即門水也出胡城北山石穴中長老云杜陽有
仙人宮石穴宮之前門故號其川為門川水為門
水東南流逢胡城北三城奇對隔谷羅布深溝固
壘高臺相距門水右注漢水謂之高橋溪口
漢水又東黑水注之

水出北山南流入漢庾仲雛曰黑水去高橋三十
里諸葛亮牋云朝發南鄭墓宿黑水四五十里指

謂是水也道則百里也

又東過城固縣南又東過魏興安陽縣南漆水出自
旱山北注之

常據華陽國記曰蜀以城固為樂城縣也安陽縣
故隸漢中魏中分漢中立魏興郡安陽隸焉漆水
出西南面而東北入漢左谷水出西面而東北入
漢左谷水出漢北即智水也北發聽山山下有穴
水穴水東南流歷平川中謂之智鄉水曰智水川
有唐公祠唐君字公房城固人也學道得仙入雲
臺山合丹服之白日升天鷄鳴天上狗吠雲中隹

以鼠惡留之鼠乃感激以月晦日吐腸胃更生故
時人謂之唐鼠也公房升仙之日壻知行未還不
獲同階云路約以此川為居言無繁霜蛟虎之患
其俗以為曰號為壻鄉故水亦即名焉百姓為之
立廟于其處也刊石立碑表述靈異也壻水南歷
壻鄉溪出山東南流逕通閔勢南山高百餘丈有
匈奴城方五里濬塹三重高祖北定三秦蕭何守
漢中欲脩北道通閔中故名為通閔勢壻水又東
逕七女冢冢夾水羅布如七星高十餘丈周廼數
畝元嘉六年大水破墳墳崩出銅不可稱計得一

塼刻云項氏伯無子七女造擲世人疑是項伯冢
水北有七女池池東有明月池狀如偃月皆相通
注謂之張良渠蓋良所開也壻水逕樊噲臺南臺
高五六丈上容百許人又東南逕大城固北城乘
高勢北臨壻水水北有韓信臺高十餘丈上容百
許人相傳高祖齋七日置壇設几賓禮以禮拜信
也壻水東回南轉又逕其城東而南入漢水謂之
三口也漢水又東會益口水出北山益谷東南流
注于漢水

漢水又東至瀟城南與洛谷水合南流

水北出洛谷谷北通長安其水南流右則瀟水注
之水發西溪東南流合為一水亂流南出際其城
西南注漢水又東會益口水出此山益谷東南流
漢水又東逕小城固南其城東而南入黃水謂之
州治大城固移縣北故曰小城固城北百二十里
有興勢坂諸葛亮出洛谷成興勢置烽火樓處通
照漢水東歷上濤而逕於龍下蓋伏石驚湍流屯
激怒故有上下二濤之名龍下地名也有兵擲墮
墟舊謂此館為龍下亭自白馬迄此則平川夾勢
水豐壤沃利方三蜀矣度此溯洄從漢為山行之

黃始

漢水又東逕石門難

山峽也東會酉水水北出秦嶺酉谷南歷重山與
寒泉湧山頂望之交橫似若瀑布頽波激石散若
雨灑勢同厭源風雨之池其水西流入于酉水又
南注漢謂之酉口中興北為水與海州相連其
漢水又東逕媯墟為灘黃金谷有黃金如剗山刺
世本曰舜居饒內在漢中西城縣或言媯墟在西
北舜所居也後或姓姚或姓媯媯姚之異事妄未
知所從余按應劭之言是地於西城為西北也

漢水又東逕猴徑灘

山多猴猿好乘危綴飲故灘受斯名焉

漢水又東逕小大黃金南

山有黃金峭水北對黃金谷有黃金戍傍山依峭

嶮折七里氏掠漢中岨此為戍與鐵城相對一城

在山上容百餘人一城在山下可置百許人言其

嶮峻故以金鐵制名矣昔楊難當令魏興太守薛

健據黃金姜寶據鐵城宋遣秦州刺史蕭思話詔

今陰平太守蕭祖攻拔之賊退酉水矣

漢水又東合蘧蔭漢口

水北出就谷在長安西南其水南流逕巴溪戍西

又南逕陽都坂自上及下槃折壹拾玖曲西連寒

泉嶺漢中記曰自西城涉黃金峭寒泉嶺陽都坂

峻崿百重絕曰萬尋既造其峯謂以踰崧岱復瞻

前嶺又倍過之言陟揚羊超烟雲之際顧者向塗

者然有不測之嶮山豐野牛野羊騰岩越嶺馳走

若飛觸突樹木十圍背倒山殫艮阻地窮坎勢矣

其水南歷蘧蔭水而南流注于漢謂之蔭口

漢水又東右會洋水

川流漫濶廣幾里許洋水導源巴山東北流逕平

陽城漢中記曰本西鄉治也自城固南城入三百八十里距南鄭四百八十里洋川者漢戚夫人之所生處也高祖得而寵之夫人思慕本鄉追求洋川米帝為驛致長安蠲復其鄉更名曰縣又放目其地為洋川用表夫人誕載之休祥也城即定遠矣漢順帝永光七年剗班超以漢中郡南鄭縣之西鄉為定遠侯即此也洋水又東北流入漢謂之城陽水口也

漢水又東歷教頭

舊立倉儲之所傍山通道水六嶮湊魏與安康縣

漢治有戍統領流雜

漢水又東合直水

水北出子午谷岩領下又南枝分東注旬水又南從閣下山上有戍置於崇阜之上下臨深淵張子房燒絕棧閣示無還也又東南歷直谷逕直城西而南流注漢

漢水又東逕直城南

又東逕千渡而至蝦蟆頭歷漢陽撫口而屈于彭溪龍竈矣並溪澗灘磧之名也

漢水又東逕晉昌郡之寧都縣南

縣治松溪口又東逕魏興郡廣城縣治王谷谷道
南出已徭有鹽井食之令人癯疾

漢水又東逕魚脯溪口

舊西城廣城二縣指北谷而分界也

又東過西城縣南

漢水又東逕鰲池而鯨大也蜀都賦曰流漢湯湯
驚浪雷奔望之天迴即雲之昏者也漢水又東逕
嵐谷北口嶂遠溪深澗峽吹近氣蕭蕭以瑟瑟風
颼颼故川谷擅其目矣

漢水又東右得大勢

勢岨急溪故亦曰急勢也依山為城城周二里在
峻山上梁州督護吉挹所治符堅遣偏軍常鍾伐
挹挹固守二年不能下無援遂陷

漢水又對月谷口

山有坂月川於中黃壤沃衍而桑麻列殖佳饒水
田故孟達與諸葛亮書善其川土沃美也

漢水又東逕西城縣故城南

地理志曰西城故漢中郡之屬縣也漢末為西城
郡建安二十四年劉偁以伸儀為西城太守儀據
郡降魏魏文帝段為魏興郡治故西城縣之故城

也氏畧漢川梁州私治於此城內有舜祠漢高帝
廟置民九戶歲時奉祠焉

漢水又東為鱸湍漢中縣之鱸湍也洪波濟盪瀟浪雲頽古者舊言有鱸魚奮鰭溯流
望濤直上至此則瀑鯁失濟故曰多湍矣

漢水又東合旬水

漢水北出旬山東南流逕平陽戍下與直水枝分東
注逕平陽戍入旬水旬水又東南逕旬陽縣與柞
水合水西出柞溪南流逕重崖堡西屈而東流逕
其堡南東南注于旬水旬水又東南逕旬陽縣南

縣北山有懸書崖高五十丈刻石作字今人不能
不所道山下石堦上有馬跡五所名曰馬跡山旬
水東南注漢水之旬口

漢水又東逕木蘭塞南

石岸有城名陵城周迴數里左岸壘石數十行重
壘數十里中謂是處為木蘭塞云吳朝遣軍救孟
達於此矣

漢水又東左得育漢

與晉旬陽二縣分界於是谷漢水又東合甲水口
水出秦嶺山東南流逕金井城南又東逕上庸郡

北與閔附水合水出土洛縣亭縣北青泥西山南
逕陽亭聚西俗謂之平陽水南合豐鄉川水水出
弘農豐鄉東山西南流逕豐鄉故城南京相璠曰
南鄉浙縣有故鄆鄉春秋所謂鄆浙也於地理屬
弘農今屬南鄉又西南合閔附水閔附水又南入上津注
甲水甲水又東南逕魏興郡之與楊南晉武帝太
康中立甲水又東右入漢水漢水又東爲龍淵淵
上有胡鼻山石類胡人鼻故也下臨龍井渚淵深
數丈

漢水又東逕魏興郡之錫縣故城北

爲白石灘縣故春秋之錫穴地也故屬漢水中王
奔之錫治也縣有錫義山方員百里形如城四面
水有門上有石壇長十餘丈世傳列仙所居今有道
士被髮餌木恒數十人山高谷深多生薇蘅草其
草有風不偃無風動搖漢水又東逕長利谷南入
谷有長利故城舊縣也

漢水又東歷姚方

蓋舜後枝居是處故地留姚稱也

水經卷第二十七

蓋發於北谷是謂流也留於南曰
業水又東逕於北谷也
谷首身既短則其流也急也
單首尾不別無周轉其水又東逕身既谷南入
士斯變則水則流而山之高谷深以主其流草其
水之經也

水經卷第二十八

未嘗桑飲撰
酈道元注
灑灑水附

沔水又東過襄陽縣北

沔水又東逕方山北山上有鄒恢碑魯宗之所立
也山下潭中有杜元凱好尚後名作兩碑並述已
功一碑沉之峴山水中一碑下之於此潭曰百年
之後何智不深谷為陵也山水曲之隈云漢女
昔遊處也故張衡南都賦曰遊女弄珠於漢皋高
西之曲漢皋即方之異名也

沔水又東合檀溪水

水出縣西柳子山下東為鴨湖湖在馬鞍山東北
武陵王愛其峯秀改曰望楚山溪水自湖兩分北
渠即漢水所導也北逕漢陰臺西臨流望遠按眺
農圃邈灌蔬意寄漢陰固因名臺矣又北逕檀溪
謂之檀溪則有沙門釋道安寺即溪之名以表寺
目也溪之陽有徐元直崔州平故宅悉人居故習
鑿齒與謝安書云每省家勇目檀溪念崔徐之交
未嘗不撫乘躊躇惆悵終日矣溪水傍城北注昔
劉備為景升所謀乘的顛馬四走墜於斯溪西去

城里餘北流注于沔水東南出應劭曰城在襄水
之陽故曰襄陽也是水當即襄水也城北枕沔水
即襄陽縣之故城也王奔之襄陽矣楚之北津戍
也今大城西壘是也其土古鄢都盧羅之地秦滅
楚置南郡號北為北部焉建安十三年魏武平荆
州分南郡立為襄陽郡荊州刺史治邑居隱賑冠
蓋相望一都之會也城南門道東有三碑一碑是
晉太傅羊祜碑一碑是鎮南將軍杜預碑一碑是
安南將軍劉儼碑並是學生所立城東門外二百
步劉表墓太康中為人所發見表夫妻其尸儼然

顏色不異猶如平生慕中香氣遠聞三四里中經
月不歇今墳冢及祠堂猶高显整頓城北枕沔水
水中常苦蛟害襄陽太守鄧遐負其氣果拔劍入
水蛟繞其足遐揮劍斬蛟流血丹水自後患除無
復蛟難矣昔張公過害亦凶劍於是水後雷氏爲
建安從民遙踐瀨溪所留之劍忽於其懷躍出洛
水初由是劍後變爲龍故吳均劍騎詩云劍是兩
蛟龍張華之言不孤爲驗矣

沔水又逕平魯城南

伐魯宗之所築也故城得厥明矣東對樊仲山甫

所封也漢晉春秋稱桓帝幸樊城百姓莫不觀有
一老父獨耕不輟議郎張溫使問焉父嘯而不答
溫因興之言問其姓名不告而去城周四里南半
洽水建安中關羽圍于禁於此城會沔水泛溫三
丈有餘城陷禁降龐惠奮劍乘舟投命於東罔魏
武曰吾知于禁三十餘載至臨危授命更不如龐
惠矣城西南有曹仁記水碑杜元凱重刊其後書
伐吳之事也

又從縣東屈西南涓水從北來注之

襄陽城東有東白沙白沙北有三州東北有宛口

即涓水所入也

沔水中有梁州

寵得公所居士元居漢之陰在南白沙故世謂是地為白沙曲矣司馬德操宅洲之陽望衡對子懽情自接泛舟褰裳率尔休暢豈待還挂施於千里真深心於思哉水南有層臺號曰景昇臺蓋劉表治襄陽之所築也言表盛遊於此常所止憇表性好鷹嘗登此臺歌野鷹來曲其言音似孟達上堵吟矣

沔水又逕桃林亭東

又逕兒山東山上有桓宣所築城孫堅宛於此又有桓宣碑羊祜之鎮襄陽也與鄒潤甫嘗登之及祐薨後人立碑於故處望者悲感杜元凱謂之墮淚碑山上又有征南將軍胡罷碑又有征西將軍周訪碑山下水中杜元凱沉碑處

沔水又東南迳蔡洲

漢長水校尉蔡瑁居之故名蔡洲洲大岸西有泗湖停水數十畝長數里廣減百步水色常綠楊儀居上泗楊顥居下泗與蔡洲相對在峴山南廣昌里又與襄陽湖水合水上承鴨湖東南流迳峴山

西又東南流注白馬陂水又東入待中襄陽侯習
郁魚池郁依苑蠡養魚法作大陂長六十步廣四
十步池中臺釣臺池北亭郁墓所在也列植松
於池側沔水上郁所居也又作石伏退引大池水
於宅此作小魚池池長七十步廣十二步西枕大
道東北二邊限以高堤揪竹夾殖蓮芡覆水是遊
宴之名處也山季倫之鎮襄陽每臨此池未嘗不
大醉而還恒言此是我高陽池故時人爲之歌曰
山公出何去往至高陽池日暮倒戴歸醕酌無所
知其水下入沔沔水西又有孝子墓河南秦民性

至孝事親無倦親沒之後負土城墳帝泣血墓側
人有咏蓼莪者氏爲泣涕悲不自勝於墓所得病
不能食虎常乳之百餘日卒今林木叢茂號曰孝
子墓也其南有蔡瑁冢冢前刻石爲大鹿狀甚大
頭高九尺制作甚工

沔水又東南邑城北

習郁襄陽侯之封邑也故曰邑城矣

沔水又東合洞口

水出安昌縣故城東北大父山西南流謂之曰水
又逕安昌故城東屈逕其縣南縣故蔡陽之曰水

鄉也溪元帝以長沙卑濕分白水上唐二鄉爲春陵縣光武即帝位改爲章陵縣置園廟焉魏黃初二年更從今名故義陽郡治也白水又西南流而左會混水水導源城東南小山西南逕今山北又西南流逕縣南西流注于白水水北有白水陂其陽有漢光武故宅基址存焉所謂白水鄉也蘇伯河望氣處也光武之征秦豐幸舊邑置酒極權張平子以爲真人南巡觀舊里焉東觀漢記白明帝幸南陽祀舊宅召校官子弟作雅樂奏鹿鳴上自御墳篋和之以娛賓客又於此宅矣白水又西合

沔水水出于襄鄉縣東北陽中山西逕襄鄉縣之故城北按郡國志是南陽之屬縣也沔水又西逕蔡陽縣故東西南流注于白水又西逕其城南建武十六年世祖封城王祉世子木爲侯國應劭曰蔡水出蔡陽東入淮今於此城南更無別水唯是水可以當之川流西流若其不東且淮源岨礙山河無相入之理蓋應是之誤耳洞水又西南流注于沔水又東過中盧縣東淮水自房陵縣淮縣山東流注之縣即春秋盧戎之國也縣故城南有水出西山有石穴出馬謂之馬穴山漢時有數百匹

馬出其中馬形小以已須馬三国時六遜攻襄陽於此穴又得馬數十匹送建業蜀便至有家在滇池者識其馬毛色云其父所乘馬對之流涕其水東流一百四十里迳城南名曰浴馬港言初得此馬洗之於此因以名之亦云乘出沔次浴之又曰洗馬溉渡沔宿慶名之曰騎亭然後水諸蠻北過是水南雍淮川以周田溉下流入沔

沔水又東南流迳黎丘故城西
其城下對繕州秦豐居之故更名秦州王莽之敗也秦豐阻兵於黎丘城在現城西二里建武三年

光武遣征南岑彭繫豐二年米祐自現城禽豐於黎丘是也沔水又南與踈水合水出中廬縣西南東流至即縣北界東入沔水謂踈口也水中有物如三四歲小兒鱗甲如陵鯉射之不可入七八月中好在磧上自臆膝頭以虎掌瓜常沒中水出膝頭小兒不知欲取弄戲便煞人或曰人有生得者摘其臍厥可以小使名爲水唐者也

又南過即縣東北

沔水之左有騎城周迴二里余高一丈六尺即騎亭也縣故楚邑也秦以爲縣漢高帝十一年封黃

極忠為侯國縣南有黃家墓墓前有雙石闕彫制甚工俗謂之黃公名尚為漢司徒沔水又東迳猪蘭橋橋本名木蘭橋橋之左右豐蒿荻於橋東劉李和大養猪襄陽皮守曰此中作猪屎臭可易名猪蘭橋百姓遂以為名矣橋北有習郁宅宅側有魚池池不假功自然通洫長六七十步廣十丈常出名魚

沔水又南得木里水會楚時於宜城東穿渠上口去城三里漢南郡太守王寵又鑿之引蛮水注田謂之木里溝迳宜城東

而東北入于沔水謂之木里水口也

又南過宜城縣東夷水出自房陵縣東流注之

夷水蛮水也桓温父名夷改曰蛮水夷水導源中

廬縣界康根山山與荆山相隣其水水東南流歷

宜城西上謂之夷溪又東南迳羅川城故羅國也

又謂之隰水春秋所謂楚人伐羅渡鄢者也夷水

又東南流于零水合零水即汴水也上通梁州汶

陽縣之默城山司馬懿出沮之所由其水也東迳

新城縣之沔鄉縣分房陵立謂之沔水又東歷

軫鄉謂之軫水晉武帝平吳割臨沮之北鄉中廬

之南鄉立上黃縣治軫鄉汝水又東歷宜城西山
謂之汝漢東流合於夷水謂之汝口也與夷水亂
流東出謂之淇水逕蠻城城南在宜城南三十里
春秋若敖自羅敗退及隱亂次以濟淇水是也夷
水又東注于沔昔白起攻楚引西山谷水即是水
者也舊竭去城一百許里水泛城西灌城東入注
爲淵人熨斗陂是也水潰城東北角百姓隨水流
死於城東者數十萬城東皆臭因名其陂爲臭池
後人因其渠流以結陂田城西北謂之新陂覆地
數十頃西北又爲土門陂從平路渠以北木蘭橋

以南西極土門山東跨大道水流周通其水自新
陂東入城城故鄢郢之舊都秦以爲縣漢惠帝三
年改曰宜城其水歷大陂中逕漢南陽太守秦頡
墓比墓前有三碑頡郢人也以江夏都尉出爲南
陽太守逕宜城中見一家東向頡住軍視之曰此
居處可依冢役卒於南陽喪還至昔住車處車不
肯進故吏爲市北宅塋之孤墳尚整冢前有二碑
城南有宋玉宅玉邑人雋才辨給善屬文而識音
也其水又逕金城前縣南門有古碑猶存其水又
東出城東注臭池臭池溉田陂水散流又入朱湖

陂朱湖亦下灌朱田餘水又下入木里溝木里溝是漢南郡太守王寵所鑿故渠引隰水也淮田七百頃白起渠溉三千頃膏良肥美更爲沃壤也縣有太山山下有廟漢末多士其中刺史二千石卿長數十人朱軒華蓋同會於廟下荊州刺史行部見之雅歎其盛號爲冠蓋里而刻石銘之此碑於永嘉中治爲人所毀其餘文尚有可傳者其辭曰峨峨南岳烈烈離明寔敷雋又君子以生惟此君子作漢之之英德爲龍光化鶴鳴此山以建安三年崩聲聞伍陸十里雉皆屋雒縣人惡之以聞

侍中龐季云山崩川竭國土將亡之占也十三年魏武平荊州沔南彫散

沔水又逕郡縣故城南

古郢子之國也秦楚之間自商密遷此爲楚附庸楚滅之以爲邑縣南臨沔津津南有石山上有古烽火臺縣北有大城即楚昭王爲吳所迫絕郢徒之所謂鄢都盧羅之地也秦以爲縣

沔水又東敷水注之

水出新市縣東北又西南太陽山西南流逕新市縣北有西南而右合枝水水出太洪山而西南流

逕襄陽郡縣界西南逕秋城東南左注教水教水
又西南流注于沔寔曰漱口沔水又南逕石城西
城因山爲固晉太傅羊祜鎮荊州立晉惠帝元康
九年分江夏西部置竟陵郡治此

沔水又東南與舊水合

水出竟陵縣東北耶屈山一名廬屈山西流注于
沔魯定公四年吳師入郢昭王奔隨濟于成舊謂
是水者也又東過荊城東

沔水自荊城東南流逕當陽縣之章山東山上有故
城太尉陶侃伐杜曾所築也禹貢所謂內方山至

于太別者也既濱帶沔流實會尚書之文矣

沔水又東右會權口

水出章山東南流逕權城北古之權國也春秋魯
莊公十八年楚武王剋權權叛圍而殺之遷權是
也權水又東入于沔

沔水又東南與陽口合

水上城江陵縣赤湖江陵西北有紀南城楚文王
自丹陽徙此平王城之班周言楚之郢都也城西
南有赤坂罡罡下有瀆水東北流入城名曰子骨
瀆蓋吳師入郢所開也謂之西京湖又東北出城

西南注于龍陂陂古天井水也廣員二百餘步在靈溪東江堤內水至淵深有龍見于其中故曰龍陂陂北有楚莊王釣臺高三丈四尺南北六丈東西九丈陂水又逕郢城南東北流謂之揚水又東北路曰湖水注之湖在大巷北巷南曰中湖南堤下曰昏官湖三湖合爲一水東流荒谷荒谷東岸有治父城春秋傳曰莫敖縊於荒谷群師因於治父謂此處也春秋水盛則南通大江否則南迄江堤北逕方城西方城即南蠻府也又北與三湖會故盛弘之曰南蠻府東有三湖源同一水蓋徒治

西府也宋元嘉中通路自湖下注揚水以廣運漕揚水又東歷天井北井在方城北里餘廣員二里其深不測井有潛室見輒兵西岸有天井臺因基舊堤臨際水湄遊憩之佳處也揚水又東北流得東赤湖水曰湖周五十里城下陂池皆永會同湖東北有大置臺高六丈餘從廣八丈一尺清暑臺秀于層明通望周傳遊者登之以暢遠情揚水又東入華容縣有靈港水西通亦湖水口已下多湖周五十里城下陂池皆會來同又有子骨瀆蓋入郢所開也水東入離湖湖在縣東七十五里國語

所謂楚王闕爲石郭陂漢以象帝舜者也湖側有
章華臺臺高十丈基廣十五丈左丘明曰楚築臺
于章華之上肅昭亦爲章華亦地名也王與五舉
登之舉曰臺高不過望國之氣詳大不過容宴之
俎豆蓋譏其奢而諫其失也言此瀆靈王立臺之
漕運所由也其水北流注于揚水揚水又東北與
詳溪水合水出江陵縣北蓋諸池散流咸所會舍
積以成川東流逕魯宗之壘南堂驛路水上有大
橋隆安三年桓玄襲殷仲堪於江陵仲堪北奔縊
於此橋柞溪又東北入女覲湖湖水又東入于揚

水揚水又北逕竟陵縣西又北納中吐枯柘水即
下揚水也中水出縣東一百九十里西逕中城下
城下置金水成晉元熙二年竟陵郡上中水戍山
得銅鍾七口言之上府中水又逕西竟陵縣北西
逕揚水謂之中口水西有古竟陵大城古鄖國也
鄖公辛所治所謂鄖鄉矣昔白起拔郢東至竟陵
縣即此也秦以爲縣王莽之守平矣世祖建武十
三年更封劉隆爲國城傍有耳魚陂左傳昭公十
三年公子黑肱爲令尹次于魚陂者也揚子又北
注于沔謂揚口中夏口也曹太祖之追劉僂于當

陽也張飛按矛于長坂僂得與數騎即輒溪津遂
濟夏口是也沔水又東得澹口其水承大澹馬骨
諸湖水周三四百里及其夏水來同眇若滄海潭
巨浪索連江沔故郭景絕紅賦云其傍則有珠澹
舟灤是也

又東南逕江夏雲杜縣東夏水從西來注之

即睹口也爲中夏水縣故邛亭左傳所謂若敖聚
於邛是也禹貴所謂雲土夢作又故縣取名爲縣
有雲楚城城在東北

沔水又東逕左桑

西周昭王南征船人膠舟以進之昭王渡沔中流
而沒死於是求齊楚之會齊侯曰昭王南征之不
復寡人是問屈完曰君其問諸水濱庾仲雍言村
老云百姓佐昭王喪事於此成禮而行故曰佐喪
左桑字失体耳

沔水又東合區亮水口

水北成亮湖南達于沔

沔水又東得合驛口

庾仲雍言須導村者舊云朝廷驛使合王喪於是
因以名焉今須導村正有大劔口言昭王於此殞

飲矣

沔水又東謂之橫桑

言得昭王喪處也

沔水又東謂之鄭潭

言鄭武公與王同溺水於是餘謂世教既懸為不

近情矣斯乃楚之鄭鄉守邑大夫贊公言故世以

為鄭公潭耳

沔水又東得死沔

言昭王濟自是死沔之稱王尸豈逆流乎但千芒

昧唯以昭知推其事類似是非矣

沔水又東與力口合

有澠水出竟陵郡新陽縣西南河地山東流迳新

陽縣南縣治云杜湖城分雲杜立澠水又東南流

注宵城縣南大湖又南入于沔水是曰力口

沔水又東南澗水入焉

沔水又東迳沌水口水南通縣之太白湖湖水東

南通江又謂之沌口

沔水又東迳沌陽縣北

處沌水之陽也沔水又東迳林章故城北晉建興二

年太尉陶侃為荊州鎮此也

又南至江夏沙羨縣北南入于江

庾仲雍曰夏口一曰沔口矣高書禹貢雲漢水南至太白入江春秋左傳定公四年吳師伐郢楚子常濟漢而陳自小別至十大別京相璠春秋土地名曰大別漢東山名也在安豐縣南杜預釋地曰二別近漢之名无緣乃在安豐也按地說言漢水東行觸大別之陂南與江合則與尚書杜預相符但今不知所是矣

沔水與江合流又東過彭蠡澤

尚書禹貢雁釋也鄭玄曰雁回也漢與江闕轉東

城其澤矣

又東北出居巢縣南

右巢國也湯伐桀奔南巢即巢澤也尚書周有巢伯來朝春秋文公十二年夏楚人圍巢巢郡舒國也舒叛故園之永平元年漢明帝更封菑丘侯劉般爲侯國也江水自濡須口又東左會柵口水導巢湖東逕鳥上成北又東逕左會南譙僑郡城南又東絕塘逕附農山北又東左會清溪水水出東北馬子硯之清溪也東逕清溪城南屈而西南流歷山西南流注柵水謂之清溪口柵水又東左會

白石山水水發白石山西逕李鵠城南西南注柵水柵水又東南積而爲寶湖中有洲湖東有韓縱山山上有城山北湖水東出爲後塘北湖湖南即塘也塘上有頻川僑郡故城也湖寶湖水東出謂之湖寶口湖水東出逕刺史山北歷韓縱山南逕流二山之間出武子北城城在刺史山上湖水又東逕右塘穴北爲中塘塘右四水中水出格虎山北山上有虎山有郭僧坎城水北有趙祖悅城並故東關城也昔諸葛恪師師作東與堤以遏巢虎傍山築城使將軍全端留畧等各以千人守之魏

遣司馬昭督鎮東諸葛誕率衆攻東關三城恪遣冠將軍丁奉等登塘鼓譟奮繫朱異等以水軍攻浮渠魏征東胡遵軍士爭渡梁壞投水而死者殺千塘即東與堤城亦關城也柵水又東南逕高江產城南胡景城北又東南逕張祖禧城南東南流屈而北逕鄭衛尉城西魏事已南用取悉推舊訪新畧究如此又北委折蒲蒲出焉柵水東南流注于大江謂之柵口水

又東過牛渚縣南又東至石城縣

經所謂石城縣者即宣城縣郡之石城縣也牛出

在始熟烏江兩縣界中也於石城東北五百許里
安得逕牛渚而方屆石城也蓋經之謬悞也分爲
二其一東北流其一又過毗陵縣北爲北江地里
志曰毗陵縣舊會稽之屬縣丹徒縣也北二百步
故城本毗陵郡治也舊去江三里岸稍毀遂至城
下城北有揚州刺史劉繇墓淪于江江即北江也
經書在此江則又言東至餘姚則非考其逕流知
經之悞矣地理志曰江水自石城東出逕悞國南
爲南江江水自石城東入爲貴口東逕石城縣北
晉天康元年頻宣城郡東合天溪溪水首受江北

逕其縣故城東又北入南江

南江又東與貴長池水合

水出縣南即山北流爲貴長池池水又北注于南

江

南江又東南逕宣城之臨城縣南

又東注合逕水

南江又東與同水合

又東逕安吳縣號曰安吳溪又東旋溪水注之水

出陵陽山逕陵陽縣西爲旋溪水昔縣人陽子明

釣得白龍處後三年龍迎子明上陵陽山山去地

千餘丈後百餘年呼山下人上山半與語鷄中子
安問子明釣車所在後二十年子安死山下有黃
鶴栖其冢樹鳴帝呼子安故縣取名為晉咸康叨
年改曰廣陽縣漢水又北合東溪永水北南里山
北逕其縣東桑欽東淮水出之東南北如大江其
南水又北歷蜀由山又北左合旋溪北逕安吳縣東
晉太康元年分宛陵丘縣南有落星山山有懸水
五十餘丈下為深潭潭水東北流左如旋溪而同
南注南江之北即宛陵縣界也

南江又東逕寧固縣南晉太康元年分宛陵置南江
又東逕故彰縣南安吉縣北光初之末天下大亂
此保險守節漢朝嘉之中平二年分故彰之南鄉
以為安吉縣縣南有釣頭泉懸湧一仞乃流于川
川水下合南江

南江又東北為長瀆歷河口

江南注于具區謂之五湖口五湖謂長塘湖太湖射
貴湖馮湖也郭景純江賦曰注五湖以漫漭蓋言
江水經緯五湖而苞注大湖也是以左丘明述國
語曰越伐吳而戰于五湖是也又云范蠡滅吳返
至五湖而辭越斯乃太湖之攝通稱也虞翻曰是

湖有五道故曰五湖常昭曰五湖今太湖也尚書
謂之震澤爾雅以爲具區方員五百里湖有苞山
春秋謂之夫椒山有洞室入地潛行北通琅耶東
武縣俗胃之洞庭旁有青山一名夏架山山有洞
穴潛通山上有石鼓長丈餘鳴則有兵故吳記曰
太湖有苞山在國西百餘里居者數百家出弓弩
村旁有小山山有石穴南通洞庭深遠莫知所極
三苗之國左洞庭右彭蠡今宮亭湖也以大湖之
洞庭對彭蠡則左右可知也余安二湖俱以洞庭
爲目者亦分爲左右也俱以趣矚爲方耳既據二

苗宜以相江爲正事故郭景純之江賦云夏有包
山洞庭巴陵地道潛六傍通幽岫窈窕山海經曰
浮玉之山北望具區茗水出于其陰北流注于具
區謝康樂云山海云浮玉之山在句余東五里便
是句餘縣之東山乃應入海具區今在餘姚鳥道
西北合有羅浮山高三千六百丈浮山東石樓下
有兩石數扣之清越所胃神鉦者也事儻羅浮記
會稽山宜直湖南又山陰溪水入焉山陰縣西四
十里有二溪東溪廣一丈九尺冬煖夏冷西溪廣
三丈五尺冬冷夏煖二溪北出行三里至徐村合

成一溪廣五丈餘而溫冷又雜蓋山海經所胃茗水也北逕羅浮山而下注于太湖故言出其陰入于具區也湖中有大雷小雷三山亦胃之三山湖又胃之洞庭湖揚脩五湖賦曰頭首元錫足蹄松江負鳥程于背上懷大吳以當甸岵嶺崔嵬穹隆于曲大雷小雷湍波相逐用言之苞極也太湖之東吳國西十八里有岵嶺山俗說此本在太湖中禹治水稷進近東又西南有兩小山皆有石如卷笮山云禹所用帝山也太湖中有淺地長老云是笮嶺山寢自此以東差深言是牽山之溝此山去

太湖三十餘里

東則松江出焉

上承太湖更逕笠澤在吳南松江左右也國語曰越伐吳吳禦之笠澤越軍江南吳軍江北者也虞氏曰松江北去吳國五十江側有承胥二山山各有廟國南五十里魯哀公十三年越使二大夫疇無餘謳陽等伐吳吳人敗之獲二大夫大夫死故立廟于山上號曰丞胥二王也胥山上今有壇石長老云胥神所治也下有九折路南出太湖闔閭造以遊胥之臺以望太湖也松江自湖東北流逕七

十里
江水奇分謂之三江口
吳越春秋稱范蠡去越乘舟出江之口入五湖之中者也此亦別為三江五湖雖稱相亂不與職方同庾仲雍初楊都注曰今太湖東注為松江夏七
十里有水口分流東北入海為婁江東南入海為東江與松江而三也吳記曰江東南行七十里入小湖為次溪自湖東南出謂之為谷水吳記曰谷水出吳小湖逕由卷縣故城下神異傳曰卷縣秦時長水縣也始皇時縣有童謠曰城門當有血城

陷沒為湖有老嫗聞之憂且往窺城門門侍欲縛之嫗言其故嫗去後門侍煞大以血塗門嫗又往見血走去不敢顧忽有大水長欲沒縣主簿令幹入白令今見幹曰何忽作魚幹又曰明府亦作魚遂乃淪陷為谷矣因目長水城水曰谷水也吳記曰谷中有城故有縣治也即吳之柴碎亭故就李鄉禱李之地秦始皇惡其勢王令囚徒十餘萬人汗其土表以于惡名改曰囚卷亦曰卷也吳黃龍四年有嘉禾生卷縣改曰禾吳後太子諱和改為嘉吳春秋之醉李城也谷水又東南逕嘉吳縣城

西谷水又東南逕監官縣故城南舊吳海昌都尉治晉太康中分嘉興立太康地道記吳有監官縣樂資九州志曰縣有太延山秦始皇逕此美人死塋于山上山下有美人廟谷水之石有馬鞞城故司監都尉城吳王濞煮海爲鹽於此縣也是以漢書地理志曰縣有監官東出五十里有武原鄉故曰地也秦於其地置海監縣也理志曰縣故武原鄉也後縣淪爲柘湖又徙治武原鄉改曰武原縣王莽名之辰武漢安帝武原之地又淪爲湖今之當湖也後乃移北縣南有秦望山秦始皇所登以

望東海故山得其名爲谷水與縣出爲散浦以通巨海光熙元年有毛名三人集于縣蓋汜于風也又東至會稽餘饒縣東入于海

謝靈運云具區在餘姚然則姚暨是餘姚之別名也今餘既之南餘姚西北浙江于浦陽江同會歸海但水名已殊非班固所謂南江也郭景純曰三江者岷江松江浙江也然浙江出南蠻中不于岷江同作者述誌多言江水至山陰爲浙江今南江枝分歷烏程縣南通餘杭縣則于浙江合故關駟十三州志曰江水至會稽于浙江合浙江曰臨平湖南通

浦陽江又于餘暨東合浦陽江自秦望分派東餘
姚縣又爲江也東與車箱水合水出車相山乘高
瀑布四十餘丈雖有水旱而樹無增減古今南
江水又東逕黃橋下山

臨江有漢蜀郡太守黃昌宅橋本昌創建也昌爲
州書左妻遇賊相失後會于蜀復脩舊好江水又
東逕緒山南虞翻嘗登比山四望試子孫可居江
北世有祿位居江南則不昌也然住江北者相繼
伐吳時有江南者輒多淪晉仲翔之言爲有官倉
卽日南太守虞國舊宅號曰西虞以其兄光居縣

東故也是地卽其雙鴈送故處

江水又東逕餘姚縣故城南

縣城是吳將未然所築也南臨江津北背巨海夫
子所謂滄海浩浩萬里之淵也縣西去會稽一百
四十里因其勾縣山以名縣山在餘姚之南勾章
之北也江水又東逕穴湖塘湖水沃其一縣並爲
良疇矣

江水又東注于海

是所謂三江者也故子晉曰吳越之國三江環之
民無所稜矣但東南地卑万流所湊濤湖泛决觸

地城川枝津交渠世家分畧故川舊瀆難以取悉
錐粗依縣地緝綜所纏亦未必一得其實也

工水又東至平城有水旱而極其清也
江身如突

以北出工水又東至平城其水去其一瀉而為

四十里因其山以名其山曰平城山

平城山在平城之南其水會者一百

鵝湖吳吳許未楚而平城山南流其水

工水又東至平城其水去其一瀉而為

東流山吳吳許未楚而平城山南流其水

水經卷第二十九

桑飲撰 鄺道元注

中汚水下潛水 湍水 均水

粉水 白水 泚水

又東過堵陽縣堵水出為自上粉縣北流注之

堵水出建平郡界故亭谷東歷新城郡郡故漢中

之房陵縣也世祖建武元年封鄧晨為侯國也漢

未以為房陵郡為文帝合房陵上庸西城立以為

新城郡以孟達為太子治方陵故縣有粉水縣居

其上故曰上粉縣也堵水之傍有別溪岸側土色

解黃乃云可噉有言飲此水令人無病而壽豈其
信乎又有白馬山山石似馬望之逼真側水謂之
白馬塞孟達爲守登之而歎曰劉封申耽據金城
千里而更失之乎爲上堵吟音韻哀切有側人心
今水次尚歌之堵水又東北逕上庸郡故庸國也
春秋文公十六年楚人秦人巴人滅庸庸小國附
楚楚有災不救舉郡蠻以叛故滅之以爲縣屬漢
中郡漢未又分爲上庸郡城三面際水堵水又東
逕方城亭而東北歷棗山下而北逕堵陽縣南北
流注于漢謂之堵口漢水又東謂之勞難冬則水

淺而下多大石又東爲淨難夏水急盛川多湍復
行旋苦之故諺曰冬勞夏淨斷官使命言二難岨
礙

又東過鄖鄉縣南

漢水又東逕鄖鄉縣南之西山山有石蝦蟆倉辛
看之與真不別

漢水又東逕鄖鄉縣故城南

謂之云鄉難縣故歷也即長利之鄖鄉矣地里志
曰鄖有閔李奇以爲鄖子國晉太康五年立以爲
縣

漢水又東逕琵琶谷口

梁益二州分境于此故謂之琵琶界也

又東北流又屈東南過武當縣東北
縣西北四十里漢水中有州名滄浪州庾仲雖漢
記胃之千齡洲非也是世俗語訛音與字變矣地
說曰水出荆山東南流為滄浪之水是近楚都故
漁父歌曰滄浪之水清兮可以濯我纓滄浪之水
濁兮可以濯我足是余按尚書禹貢言導漾水東流
為漢又東為滄浪之水不言過而言為者明非他
水次入也蓋漢沔水自下有滄浪通稱耳纏絡鄔

郢地連紀郢咸楚都矣漁父歌之不遠水地考按
州傳宜以尚書為正耳

漢水又東為狼子潭

潭中有石磧州長六十丈廣十八丈世以亦此洲
為狼子壘父于斯故潭得廟目焉所未詳也

漢水東南逕武當縣故城北

世祖封鄧晨子當為侯國內有一碑文字磨滅不
可復識俗相傳言是華君銘亦不詳華君何代之
士

漢水又東平陽川水注之

水出縣北伏親山南曆平陽州逕平陽故城下又南流注于沔

沔水又東南逕縣城東

又東曾水注之水導源縣南武當山一曰太和山亦曰叅山上山形特秀又曰仙室荊州圖副記曰山形特秀異于衆嶽峯首狀傳山香炉亭亭遠出藥食延年者萃焉晉咸和中歷陽謝允捨羅邑宰黃隱遁斯山故亦曰謝羅山曾水發源山麓逕鉞山陰東北流注于沔胃之曾口

沔水又東逕龍巢山下

山在沔水中高十五丈廣員一里三百三十步山刑峻峭其上秀林茂本隆冬不凋

又東南逕涉都城東北

故鄉名也案郡國志鏡陽縣有涉都鄉者也漢武帝元老元年封南海守降侯子嘉侯國均水于縣入沔謂之均口也

又東南過鄴縣之西南

縣治故城南臨沔水謂之鄴頭漢高帝五年封蕭何爲侯國也薛鄴曰今南鄉鄴頭是也茂陵書曰在南陽王莽更名南庾者也

又南逕穀城南而不逕其東矣城在穀城山上春秋穀伯綏之邑也墉闐頽毀基塹亦存沔

沔水又東南逕陰縣故城西故下陰也春秋昭公十九年楚使公尹赤迂于下陰是也縣東有縣今濟南劉熹字得怡魏時宰縣東有縣古學教丘碑載生徒百有餘人不終業而天者因塋其地號曰生墳

沔水又東南得洛溪口水出縣西北集池波東南流逕洛陽城北洛溪溪水東淮沔水也

又南過篋水出自房陵縣東遁其縣南流注之又南

汎水流注之水出梁州閬陽縣魏遺下侯淵與張郃下色西進軍岩渠劉備軍汎口即是水所出也張飛自別道襲張郃於比水郃敗葉烏升山走還漢中汎水又東巴渠北新城上庸東逕汎陽縣故城南留分筑楊立自縣上山深水急柱者崩湍水陸徑絕

又東逕學城南

梁州大路所由也舊說昔者有人立學都于此值世荒亂生徒罔依遂共立城以禦難故城得厥名矣汎水又東流注于沔謂之汎口也沔水又南逕

闕林山東本郡六道之所由山東有二碑其一即
記闕林山文曰君國者不濟高堙下先時或斷山
罌以通平道民多病守長冠軍張仲瑜乃于邦人
築斷故山道作此銘其一郭先生碑先名輔字甫
成交孝有曰學之美其女爲立碑於此並無年號
皆不知何伐人也

沔水又南迳築陽縣東

又南築水注之杜預以爲彭水也水出梁州新城
郡魏昌縣界縣以黃初縣中分房陵丘築水東南
流迳筑縣水中孤石挺出其下澄潭時有見此石

根如竹根而黃色見者多凶相與號爲受石所未
詳也筑水又東迳筑陽縣故城南縣故楚附庸
也秦平鄢郢立以爲縣王莽更名之曰宜和也建
武元年世祖封吳財爲國築水又東流注于沔謂
之築口沔水又南迳高亭山東山有靈焉士民奉
之所謂有驗

沔水又東爲添灘

新野郡山都縣與順陽筑陽分界於斯灘矣

又東過山都縣東北

沔南有固城城側沔川即新野山都縣治也舊南

陽之赤鄉矣秦以爲縣漢高后四年封衛將軍王
慣爲侯國沔北有和即郡國志所謂武當縣之和
聚山都縣舊嘗治此故亦爲是處爲故縣難沔水
北岸數里有天石激名曰五女激或言女父爲人
所害居固城五女思復父怨故立激以功城城北
今淪于水亦云有人塋沔墓宅將爲水毀其人五
女無男皆悉巨富共脩此激以全墳宅然激作甚
工又云女嫁爲陰縣狼子家貨萬金而自小小不
從父語父臨忘意欲塋山上恐兒不從故倒言塋
我着渚下石磧上狼子曰我由來下奉教今從語

遂盡散家財作石家積土繞之成一洲長數百步
元康中始爲水所壞今石皆如半楡許數百枚聚
在水中狼子是前漢人襄陽太守胡烈有惠化補
塞堤決民賴其利景元四年九月百姓刊石銘之
樹碑于沔水又偏淺冬月可涉渡謂之友湖兵戎
之交多自此濟晉太康中得鳴石于此水撞之聲
聞數里

沔水又東逕白樂山北

昔諸葛亮好爲梁甫吟每所登遊故俗以樂爲名
沔水又東逕隆中

歷孔名舊宅北亮語劉禪云先帝三顧臣于草廬之中次日臣以當世之事即此宅也車騎沛國劉季和之鎮襄陽也與犍為人李安共觀此宅命安作宅銘云天子命我與沔之陽聽鼓鞞而水思庶先哲之遺光後六十餘年永平之五年習鑿齒又為其宅名焉

潛水出巴郡宕渠縣

潛水益漢水枝之分潛出故受其稱耳今受又大穴潛水入焉通罌山下西南潛出謂之復水或以為舌之潛水鄭玄曰難別為潛其穴本小水積成

澤流與漢合大禹自廣漢踈通即為西漢水也故書曰沱濟既道劉澄之稱白水入潛然白水與羗水合入漢是猶漢水也縣以延熙中分已立宕渠郡蓋古寶國也今有寶城縣有渝水夾水上下皆寶民所居漢祖愛習之入閔從定三秦其人勇健好歌舞高祖愛習之今已渝舞是也縣西北有不曹水南逕其縣下注潛水縣有車騎將軍馮緄柱陽太守李溫冢二子之靈常以三月還鄉水暴長郡縣吏民莫于水上祭今所謂馮李也

又南入于江

庾仲雍云墊江有別江出晉壽縣即潛水也其南源取巴西是西漢水也

湍水出酈縣北芬山南流過其縣東又南過冠軍縣東湍水出弘農界翼望山水甚清徹東南流逕南酈縣故城東吏記所謂下酈也漢武帝元明元年封左將軍同爲侯國湍水又南菊水主之水出西北石澗山芳菊溪亦言出祈谷蓋溪澗之異名也源傍悉生菊草潭澗滋液極成年美云此各之水土滄挹長年司空王暢大傳袁隗大尉胡廣並汲飲此水以自綏養是以君子留心耳其臭尚矣菊

水東南流入于湍水又逕其縣東南歷冠軍縣西北有楚場高下相承八重周十里方塘蓄水澤澗不窮湍水又逕冠軍縣故城東縣本穰縣之盧陽鄉宛之臨駝聚漢武帝以霍去病功冠諸軍故立冠軍縣以封之水西有漢太尉長史邑又張敏碑碑之西有魏征南軍司張詹墓墓有碑碑皆刊云白揪之棺易朽之裳銅鉄不入凡器不藏嗟矣後人幸勿我傷自後古墳舊家莫不夷毀而是墓至元嘉初尚不見發六年大水蚩飢始被發掘說者言初開金銀銅錫之器朱漆彫刻之飾爛然有二

珠漆棺棺前垂竹簾隱以金釘墓不甚高而內極寬太虛設曰楸之言空負黃金之實雖意固南山寧同壽乎湍水又逕穰縣爲六門陂漢孝成之世南陽太守邵信臣以建昭五年斷湍水立穰西石塢至元始五年更開三門爲六石門故號六門塢也既穰新野昆陽三縣五千餘頃漢末毀廢遂不脩理晉太康三年鎮南將軍祉預復更間廣利加于民今廢不脩矣六門側猶有六門碑是部曲主安陽亭候登達等以太康五年立湍水又逕穰縣故城北又東南歷魏武故城之西南是建安三年

曹公攻張繡之所築也

又東過白牛邑南

湍水自白牛邑南建武中世封劉高爲侯國湍水又東南迤安衆縣故城南縣本宛之西鄉漢長沙定王子康侯丹之邑也湍水東南流湍水注之水出涅陽縣西北岐棘山東南逕涅陽縣故城西漢武帝元朔四年封路最爲侯國王莽之所冒前高也應劭曰涅水之陽矣縣南有二碑碑字紊滅不可復識云是五伯豪碑漢水又東南逕安衆縣塢而爲陂謂之安衆港魏大祖破張繡于是處與荀

或書曰繡遏五歸師迫我死地蓋于二水之間以
為松涉之難岨也涅水又東南流注于湍水

出星野嶺西水如射山東流至星野嶺水出
安王谷東流注于涅水也湍水東流至星野嶺水
又東南流注于涅水也湍水東流至星野嶺水
湍水自曰于之湍水也湍水東流至星野嶺水
又東南流注于涅水也湍水東流至星野嶺水
湍水自曰于之湍水也湍水東流至星野嶺水
又東南流注于涅水也湍水東流至星野嶺水

又東南至新野縣

湍水至縣西北東分為鄧氏陂漢太傅鄧禹故宅
其奉朝請西亭侯鄧晨故宅隔陂鄧颺為晨宅畧
存焉

東入于涓

均水出浙縣北山南流過其縣之東
均水發源弘農郡之盧氏縣熊耳山山南即脩陽
葛陽二縣界也雙峯齊秀望若熊耳因以為名齊
桓公郡陵之會西望熊耳即此山也太史公司馬
遷皆嘗登之縣即浙縣之北鄉故言出浙縣北也

均水又東南流注迤其縣下南越南鄉縣又南流與丹水合

又南當涉都縣邑北南入于沔
均水南迤順陽縣西漢哀帝更為博山縣漢明帝復曰順陽為應劭曰縣在順水之陽今於是縣則無聞于順水也章帝建初四年封衛尉馬康為侯國晉太庸中立為順陽縣西有石山南臨均水均水又南流注于沔水謂之均口者也故地理志謂之涓水言熊耳之山涓之出為又東南至順陽入水沔

粉水出房陵縣東流過郢邑南

分水導源東流注上粉縣取此水以漬粉則皓曜鮮潔有異衆流故縣水皆取名為

又東過穀邑南東入于沔

粉水至筑陽縣西而下注于沔水謂之粉水粉水又文將軍冢墓遂將有石虎石柱甚脩麗間丘羨之為南陽壘婦墓側將平其城夕患夢文諫止羨之不從後羨之為揚佺其所害論者以為文將軍之崇也

白水出朝陽縣西東流過其縣南

王莽更之曰朝陽也爲信縣應劭曰縣在朝水之陽今朝水逕其北而不出其南也蓋益郭淪稜川渠狀改故名舊傳稜稱在今也

又東至新野縣南東入于涓

泚水出水陽東北太湖山東南流過其縣南泄水從南來注之

太湖山在泚陽北如東三十餘里廣員五六十里張衡賦南都所謂天封太湖者也應劭曰泚水出泚陽縣東入蔡經云泄水從南來注之然泚陽無泄水蓋悞引之壽春泚泄耳余以延昌四年蒙除

東荊州刺史州治泚陽縣故城城南有蔡山出南

盤石山故亦曰盤石出西北流注于泚非泄水也

呂氏春秋曰齊令章子與韓魏攻荆荆使唐蔑應之夾泄而軍欲視水之淺深荆人射之而莫知也

有塗者曰兵盛則水淺矣章子夜襲之斬蔑於是

水之上也泚水又西漁水注之水北出茈丘山東流屈而南轉又南入于泚水按山海經云渙水又

北入視不注泚水余按呂枕字林及難字爾雅並

言藥水在泚陽脉其川流所會診其水土津注宜

是藥水音藥也泚水又西南歷長岡月城北舊泚

水右會為仁陂水出無陰北山泉流繞湊水積城湖蓋地百頃謂之馬仁陂陂水歷其縣下西南塌之以既田濤公私引列水流逐斷故漬尚存泚水又南逢會口與緒水枝津合泚水又南與豐水會豐水原出于桐栢山與淮同源而別流西注故亦謂水為泚水豐水西北流逕平氏縣故城東北至莽更名其縣曰平善域內有南陽郡鄉正衛彈勸碑豐水又西北合洩水水出湖陽北山西流北屈逕平氏城西為北人豐水豐水又西注泚水泚水自下亦通謂之為泚水昔漢光武破甄阜梁丘賜於

泚水西斬之於斯水也泚水又南趙豐二渠出為泚水又西南流謝水注之水出謝城北二源微小至城斬大城週迴測水詩所謂伸伯番番既入于謝者也世祖建武十三年封樊重少子丹為謝陽侯即其國也然則是水即謝水也岸下深沒流徐平時人目之為淳澹水城戍又以淳澹為目非也其西城之舊棘陽縣治故亦謂之棘陽城也謝水又東南逢新都縣左注泚水又西南流逕新都縣故城西王莽更之曰新林郡國志曰以為新野之東鄉故新都者也

又西至新野縣南入于洧

泚水於崗南西南流成在崗上泚水又西南與南
長坂門二水合其水東北出湖陽東隆出山之西
側有漢曰南太守胡著碑子珣騎都尉尚湖陽長
公注即光武之伯姊也廟堂皆以青石爲階陛廟
北有石堂珣之玄孫桂陽太守瑒以延熹四年遭
母憂於墓次立石祠勒名子梁石字傾頽而梁字
無毀盛弘之以爲樊重之丹畏雷室蓋傳疑之謬
也陸山南有一小山山坂有兩石虎相對夾隨道
雖處蠻荒全無破毀作制甚工信爲妙矣世人曰

謂之爲石虎山其水西南流逕湖陽縣故城南地
理志曰故蓼國也竹書紀年曰楚王會宋平于湖
陽者美東城中有二碑以是樊重碑悉載故吏人
名司馬彪曰仲山甫封于樊因氏國焉爰自宅陽
徙居湖陽能治田殖至三百頃起廬舍高樓連閣
波陂灌注竹木成林六木放牧魚羸梨菓擅棘桑
麻閉門成市兵弩器械貨至百萬其具工造作爲
無窮之朽不可言富擬封君世祖之少數歸外氏
及之長安受業齋送甚至祖即爲追爵敬侯詔湖
陽爲重立廟置吏奉祠巡章陵常幸重墓其水四

州城既城之東南有若令樊萌中常侍樊安碑城南有城碑無字又有石廟數間依于墓側棟宇崩毀惟石壁而已亦不知誰之冒族矣其水南入太湖湖陽之名縣籍茲而納稱也湖水西南流又與湖陽諸陂散水合謂之板橋水又西南與醴渠合又有趙渠注之二水上承派水南迤新都縣故城東兩瀆双引南合板橋水又西南與南長水會水上承唐子襄鄉諸陂散流也唐子陂在塘子山西南有唐子亭漢武自新野屠唐子鄉殺湖陽尉於是地陂水深光武後以爲神淵西南流於新野

縣於板橋水合西南注于泚水又西南流注于清之水也

水經卷第二十九
水出南陽平氏縣胎簪水東北過桐栢山
山海經曰淮出餘山在朝陽東義鄉西尚書導淮
自桐栢地理志曰南陽平氏縣王莽之平善也風
俗通曰南陽平氏縣桐栢大復山在東南淮水所
出也淮均也春秋說題辭曰淮者均其勢也釋名
曰淮常也常繞揚州北界東至於海也爾雅曰淮
為許然淮水與醴水同源俱導西流為醴東流為

水經卷第三十

水出南陽平氏縣胎簪水東北過桐栢山

酈道元注

淮水出南陽平氏縣胎簪水東北過桐栢山

淮水出南陽平氏縣胎簪水東北過桐栢山
山海經曰淮出餘山在朝陽東義鄉西尚書導淮
自桐栢地理志曰南陽平氏縣王莽之平善也風
俗通曰南陽平氏縣桐栢大復山在東南淮水所
出也淮均也春秋說題辭曰淮者均其勢也釋名
曰淮常也常繞揚州北界東至於海也爾雅曰淮
為許然淮水與醴水同源俱導西流為醴東流為

淮自潛流地下三十許里東出桐栢之大復山南
謂之陽口水南即復陽縣也關駟言復陽縣胡陽
之樂鄉也元帝元延二年置在桐栢大復山之陽
故曰復陽也東觀漢記曰朱祐少孤歸外家復陽
劉氏山南有淮源廟廟前有碑是南陽郭苞立又二
碑並是漢延熹中守令所造又辭鄙拙殆不可觀
故經云東北過桐栢也

淮水又東逕義陽縣

縣南對固城山山有水注流數丈洪濤灌山遂成
水巨井謂之石泉水北流注于淮

淮水又逕義陽縣故城南

義陽郡治也世謂白茅城其城圓而不方關駟言

晉太始中割南陽東郡之安昌平林平氏義陽四

縣治義陽郡于安昌城又太康記晉書地道記並

有義陽郡以南陽屬縣爲名漢武帝元光四年封

地地都尉衛山爲侯國也有九渡水注之水出唯

趨山礮澗澆委沁溯九渡矣其猶零陽之九渡水

故亦謂之爲九度焉于溪之東山有一水發自山

浙下數丈素湍直注頽波秀壑可數百丈望之若

靡幅練矣下注九渡水九渡水又北流注于淮

東過江夏平春縣北

淮水又東油水注之

水出縣西南油溪東北流迤平春縣故城南漢和

帝建初四年封子全為王國淮水又東南岸北有

一土穴迤尺泉流下注汭流波三丈入于油水亂

流南屈又東北注于淮淮水又東北迤城陽縣故

城南漢高帝十二年封定侯溪竟為侯國王莽之

利新也魏城陽郡治

淮水又東北與大木水合

水西出大木山山即晉車騎將軍祖逖自陳留將

將家避難所居也其水東迤城陽縣北而東入于

淮

淮水又東北流左會湖水

傍川西南出窮溪得其源也

淮水又東逕安陽縣故城南

江國也嬴姓失今其地有江亭春秋文公三年楚

滅江秦伯降服出次日同盟滅雖不能救敢不矜

乎地理志曰漢乃縣之昌后八年封淮南厲王子

劉勃為侯國王莽之均夏也

淮水又東得澗口水

源南出大貴山東北流翼帶三川亂流北注潯水
又北逕賢首山西又北出東南屈逕仁順城南故
義陽郡治分南陽置也晉太始初以封安平縣王孚
長子望本治在石城在上因梁希侵逼徙治北城
齊司州刺史馬鮮卑不守魏置郢州也昔帝珍寄
自懸瓠遣三千騎援義陽行事龐定光屯于潯水
者也潯水東南流歷金山北山無樹木峻峭層峙
潯水又東逕義陽故城北城在山上因倚陵巔周
迴三里是郡昔所舊治城城南有十五步對門有
天井周一百餘步深一丈東逕鍾武故城南本江

夏之屬縣也王莽之當利縣矣又東逕石城山北
甚高峻史記曰魏攻真隄音義曰真陀或言在颶
縣箱山也案呂氏春秋九塞其一也潯水逕颶縣
故城南建武中世祖封鄧邯爲颶縣倭蘇林曰音
育潯水又東逕七井崗南又東北注于淮淮水又
東至谷口谷水南出鮮金山北流至瑟水注之水
出西南其山東北逕光淹城東而北逕音山東羅
水西東北流注于谷水谷水東北又于淮

又東逕所息縣南

淮水東逕故息城南春秋在傳隱公十一年鄭息

有遺言息侯伐鄭鄭伯之者也
淮水又東逕浮光山北

亦曰扶光山即戈山也逕新息縣故城南應劭曰
息後徙東故加新也王莽之新德也光武十九年
封馬援爲侯國外城北門內有新息長賈彪廟廟
前有碑面南又有魏汝南太守程亮碑魏太和中
蠻田益宗劾成立東豫州以益宗爲刺史淮水又
東合慎縣水水出慎陽縣西而東逕慎陽縣故城
南縣取名爲漢帝十一年封樂說爲侯國潁陰劉
陶爲縣長政化大行道不拾遺以病去官童謠歌

曰邑然不樂思我劉君何時復來安此下民見思
如此應劭曰慎水所出東北入淮慎水又來流積
爲樵陂陂水又東南流爲上慎陂又東爲中慎陂
又東爲下慎陂皆與鴻郗陂水散流其陂首受淮
川左結鴻陂漢武帝時翟方進奏毀之建武中汝
南太守鄧晨欲脩復之知許偉君曉知水脉召與
議之偉君言成帝用方進言之尋而焚上天皇帝
怒曰何故敗我濯子淵是後民失其利時有童謠
曰敗我陂翟子威及子覆陂當復明府具復廢業
童謠之言將有徵矣遂署都水掾趙塘四百餘里

百姓得其利陂水散流下合慎水而東南逕息城北又東逕南入淮謂之慎口淮水又東與申陂水合水上承申陂于新息縣北東南流分爲一水一水逕深丘西又屈逕其南南派爲蓮湖水南流注于淮淮水又左迤流結兩湖爲之東西蓮湖矣

淮水又東右壑水

水出白沙山東北迳柴亭西俗謂之柴水又東北流與潭溪水合水發潭谷東北流又會柴水又東逕黃城西故弋陽縣也城內有二城西即黃城也柴水又東北入于淮謂之柴口也

淮水又東北申陂枝水注之

水首受陂水深丘北東迳鈞臺南臺在水曲之中臺北有琴臺又東逕陽亭南東南合淮

淮水又東逕淮陰亭北又東逕白城南楚白翁勝之邑也又東北去白亭一十里

淮水又東逕長陵戍南又東青陂水注之分青陂東瀆東南迳白亭西又南於長陵戍東東南入于淮淮水又東北合黃水

水出黃武山東北流木陵關注之水導木陵山西北流注于黃水又東逕晉陽城南又東迳南光城

南光城郡治又東北逕高城南故弦高國也又東逕戈陽郡東有虞丘郭南有子相廟黃水又東北入于淮謂之黃口淮水又東北逕褒信縣故城南而東注流之者也

又東北過期思縣北縣故將國周公之後春秋文公十年楚王田子孟諸期思公復遂為司馬楚滅之封以為縣漢高帝十二年以封貫赫為後國城西北隅有楚相孫叔敖廟前碑

淮水又東北淠水注之

淠水出弋陽縣南垂山西北流歷陰山關迤二城間

舊有賊難軍所頽防西北出山又東北流逕新城戍東又東北得詔虞水口西北去弋陽虞丘郭二十五里水出南山東北流逕詔虞亭東而北入淠水又東北注淮湏曰白驚水

東過原鹿縣南汝水從西北來注水

縣即春秋之鹿上也左傳僖公二十一年宋為鹿上之盟以求諸侯於楚武十五年世祖更封侍中執金吾陰鄉侯陰識為侯國者也

又東過廬江安豐縣東北決水從東來注之

廬江故淮南也漢文帝十六年別以為國應邵曰

故廬子國也決水自舒蓼北注不於北來也安豐東北注淮者窮水矣又非決水皆誤耳

淮水又東俗水入焉

水上承富水東南流世謂之谷水也東逕原鹿縣故城北城側水南谷水又東逕富陂縣故城北俗謂之成問亭非也地理志曰汝南郡有富陂縣建武二年世祖改封平鄉侯王霸為富陂侯十三州志曰漢和帝永元年分汝陰置陂塘以溉稻故曰富陂縣也谷水又東於汝陰城東南注

淮水又東北左會潤之水首受富陂東南流為高塘

陂又東即積而為陂水東注焦陵陂陂水北出為陂陂水潭漲引瀆北注汝陰四周隍塹下注潁水焦湖東注謂之潤水逕汝陰縣東逕荆亭北東淮水又東北窮水入焉

水出六安國安豐縣窮谷春秋左傳楚救濤司馬沈尹戌與吳師過于窮谷者也川流泄注于決水之右北灌安豐之左世謂之豐豐水亦曰窮水音戎並聲相近字隨讀轉流結為陂謂之窮陂塘堰雖淪猶用不輟陂水四分豐事用康北流注于淮

京相璠曰今安豐有窮水北入淮淮水又東爲安豐津水南有城故安豐都尉治後立霍丘戎淮淮中有洲俗號閑洲蓋津閑所在古斯洲納稱爲魏書國志有曰司馬景王征毋丘淪使鎮西將軍豫州刺史諸葛誕從安豐津都尉部氏張屬斬之傳首京都即斯津也

又東北至至九江壽春縣西泚水洪水合泚注之又東潁水從西北來注之

淮水又東左合泚口又東逕中陽亭比爲中陽渡水流淺磧可以厲也

淮水又東流與潁水口會東南逕倉陵北又東北流逕壽春縣故城西縣即楚考烈王自陳徙此秦皇立九江郡治此兼得廬江豫章之地故以九江名郡漢高帝四年爲淮南國孝武元狩六年復爲九江爲文潁曰史記貨殖傳曰淮以北沛陳汝南南郡爲西楚彭城以東南楚是爲三楚者也

淮水又北左合椒水

水上承淮水東北流逕鮑地南又歷其城東亦謂之清水東北流注于淮水謂之爲清水口者是此水馬

又東過壽春縣北肥水從縣東北流注之淮水於壽
陽縣西北肥水從城而北入于淮謂之肥口淮水
又北夏肥水注之水上承妙水於城父縣右出東
南流迤城父縣故城南王莽之思善也縣故焦夷
之地春秋左傳昭公九年楚公子棄疾遷許于夷
實城父夷取州來淮北之田以益之五舉受許夷
田杜預曰此時改城傳為夷故傳實之者也言夷
田在濮水西者也然則濮水即沙水之廉稱得夏
肥之通目矣濮桓帝永壽元年封大將軍梁冀孫
桃為侯國也夏肥水自縣又東逕忠善縣之故城

南漢章帝章和三年分城父立夏肥水又東為高
陂又東為天深北水出分為二流南為肥水北為
鷄陂夏肥東流左合鷄水水出鷄陂東為黃陂又
東南流積為茅陂又東為鷄水呂氏春秋曰宋人
有取道者其馬不進板之鷄水是也鷄水又會肥
水而亂流東注俱入于淮

淮水又北逕山碇中謂之碇石
對岸山上結二城以防津要西岸山上有馬跡世
傳淮南王乘馬昇仙所在也今山之東南石上有
大小馬跡一十餘所仍今存焉淮水又北逕下蔡

縣故城東本州來之城也吳李劄始封延陵後邑
州來故曰延州來矣春秋襄公自新蔡遷于州來
謂之下蔡也矣淮之東岸又有一城下蔡新城也
二城對據翼帶淮濱淮水東逕八山北山上有老
子廟淮水歷潘城南置潘溪戊戌東則潘溪吐川
納淮更相引注又東逕梁城臨側淮川在有涓
城淮水左迤爲涓湖淮水又右納洛川于西曲陽
縣北水分閭溪北絕橫塘北迤蕭亭東又有北鵲
甫溪水入焉水出東鵲甫谷西北流迤鵲甫亭南
西北流注于洛水北逕西曲陽縣故城東王莽之

延平亭也應劭曰縣在淮曲之陽下邳有曲陽故
是加西也洛澗北歷秦墟下注淮胃之洛口經所
謂淮水逕壽春縣北肥水縣東北注者也蓋經之
謬矣考川定土即實爲非是曰洛澗非肥水也
淮水又北逕莫耶山西

山南有陰陵縣故城漢高祖五年項羽自垓下從
數百騎夜馳渡淮至陰陵迷失道左陷大澤漢令
騎將灌嬰以五千騎追及至于斯縣者也按地理
之王莽之陰六也後漢九江郡治時彗虎災百姓
苦之南陽宋均爲守退貪殘進忠良虎悉東渡江

又東過當塗縣北過水從西北來注之

淮水自莫耶山東北逕馬頭城北魏為頭郡治也故當塗縣之故城也呂氏春秋曰禹娶塗山氏女不以私害公自辛至甲四日復往治水故治淮之俗以辛壬癸甲為嫁娶日也禹娶在山西南縣即其地也地理志曰當塗侯國也魏不害以宰守尉捕淮陽及者公孫勇等漢以封之王莽更名山聚也

淮水又東北豪水注之

山出莫耶山東北之溪溪水西北引瀆逕禹墟北

又西北流注于淮

淮水又北沙水注之

經所胃狼蕩渠也淮之西有平阿縣故城王莽之

平寧也建武十三年世祖更封耿阜為侯國郡國

志曰平阿縣有當塗山淮出于荆山之左當塗之

右菴流二山之間西陽濤地注也春秋左傳哀公

十年大夫對孟孫曰禹會諸侯于塗山執王帛者

方國杜預曰塗山在壽春東北非也余按國語曰

吳伐楚陳會稽獲骨為節專車吳子使來聘且問

之客執骨而問之敢問骨何為大仲尼曰丘聞之

昔禹治郡神于會稽之上防風氏後至禹殺之其骨專車此為大也蓋丘明親承聖旨錄為實證矣又按劉向說苑辯物王肅之叙孔子世孫孔臯所出先人書家語並出此事故塗山有會稽之名考校郡書及方土之目疑非此矣蓋周穆之所會矣淮水于荆山北過水自南注之又東北逕沛郡義城縣東司馬彪曰俊隸九江也

又東過鍾離縣北
世本曰鍾離羸姓也應劭曰縣故鍾離子國也楚滅之矣馬縣春秋左傳曰所謂吳公子光伐楚拔

鍾離

鍾離

食之邑也又東逕鍾離縣故城南昔吳廣之起兵也使萬里者也之吳水又東苞水注之出譙城北

自汴陂陂水東流逕鄆縣南又東逕鄆縣故城南漢景帝中元年封周應為侯國王莽更之曰晉城也音多又東逕嵇山北嵇氏故居嵇本姓溪會嵇人也先人自會稽迂于譙之鍾離故為嵇氏取稽字之上以為姓蓋志本也稽氏譜曰譙有嵇山家有其側遂以為氏縣魏黃初中文帝以鄆城父山桑鍾置譙郡故隸譙焉苞水東流入渙渙水又東

昔禹治郡神于會稽之上防風氏後至禹殺之其骨專車此爲大也蓋丘明親承聖旨錄爲實證矣又按劉向說苑辯物王肅之叙孔子世孫孔臯所出先人書家語並出此事故塗山有會稽之名考校郡書及方土之目疑非此矣蓋周穆之所會矣淮水于荆山北過水自南注之又東北逕沛郡義城縣東司馬彪曰俊隸九江也

又東過鍾離縣北

世本曰鍾離羸姓也應劭曰縣故鍾離子國也楚滅之矣馬縣春秋左傳曰所謂吳公子光伐楚拔

鍾離

食之邑也渙水又東逕鍾離縣故城南昔吳廣之起兵也使葛嬰下之渙水又東苞水注之出譙城北自汀陂陂水東流逕鄆縣南又東逕鄆縣故城南漢景帝中元年封周應爲侯國王莽更之曰晉城也音多又東逕嵇山北嵇氏故居嵇本姓溪會嵇人也先人自會稽迂于譙之鍾離縣故爲嵇氏取稽字之上以爲姓蓋志本也稽氏譜曰譙有嵇山家有其側遂以爲氏縣魏黃初中文帝以鄆城父山桑鍾置譙郡故隸譙焉苞水東流入渙渙水又東

南逕蘄縣故城南地理志曰故垂鄉也漢高帝破縣布于此縣舊都尉治王莽之蘄城也水上有古石梁處遺基尚存渙水又東逕穀陽縣右會八丈故瀆瀆上丞交水南流注于渙渙水又東逕穀陽戍南又東南逕穀陽故城東北右與解水會水上丞縣西南解塘流北逕穀陽城南即穀陽水也應劭曰城在穀水又東北流注于渙渙水又東南逕蛭城南交水注之水首受蘄水子蘄鄭魯仲孫蕞會齊曹邾祀次于鄆杜預曰陳留襄邑縣東南有鄆城渙水又東南逕鄆城北新城南又東南左合

明溝溝水自蓬洪陂東南流謂之明溝下又溝水又逕豪城北帝王世記曰穀熟爲南亳即湯都也十三州志曰漢武帝分谷孰置春秋莊公十三年宋公御說奔亳者也渙水東逕谷孰城南漢光武逕武二年封更始子歆爲侯國又東逕揚亭北春秋左氏傳哀公十二年楚子囊秦庶長無地伐宋即于楊梁報晉之取鄭也景相璠曰宋地矣今睢陽東南二十里有故陽梁今日陽亭也浴名之曰緣城非矣西北去梁國八十里渙水又東逕沛郡之建平縣故城南漢武帝元年封杜延年爲侯國

王莽之田平也又東逕鄮縣故城南春秋哀公十年公會諸侯及齊也世子光于鄆聚是也王莽之鄮治矣渙水又南東逕費亭南漢建和元年封常侍沛國曹騰爲侯國子季良譙人也本初中定桓帝策封亭侯此城即其所者也王莽之螿富也蒙水出陰陵縣之陽亭北小屈有穴不測所窮言穴出鍾亂所未詳也蒙水東北流逕其縣西又屈而南轉東逕其城南又北歷其城東逕小城而北流注于淮

淮水又東逕夏丘縣南又東渙水西入九里注水渙

水又東雝丘縣故城東南又東逕城匡城又東逕襄邑縣故城南故宋之匡匡襄牛之地宋襄公之所築故號襄陵矣竹書記年梁惠成王十七年宋景斂衛公孫倉會齊師圍我襄陵十八年惠成王以韓師諸葛師子襄陵縣齊侯使楚景舍來求城公會齊宋之圍即於此也西有城春秋會于承匡者也秦始皇以承匡卑濕徙縣於襄陵更爲襄邑也王莽以爲襄平也漢桓帝建和元年封梁冀子胡狗爲侯國陳流風宿傳曰縣南有渙水故傳曰睢渙之間出文章天子郊廟御服出焉尚書所謂

厥菲織文者也渙水又東南逕已吾縣故城南又東逕鄆城此春秋襄公元年經書晉韓厥帥帥伐縣東南流逕谷陽縣八夫故瀆出焉又東合長直

故城北縣有城下聚漢高祖破項預所在也王莽

更名其縣曰育城應劭曰汶水所出音汶經之汶

也汶水又東南入于淮故應劭曰汶水南入淮淮

水又東至嶢石山潼水注之水首受潼縣西南潼

陂縣故臨郡之屬縣王莽改曰成信矣南逕沛國

夏丘縣絕蘄逕夏丘縣故城西王莽改曰歸思也

又東南流逕臨潼戍西又東南銜嶢石西南入淮

淮水又東逕浮山出高平東流而北其直也實出焉

山北對石山梁氏天監中立堰于二山之間逆大

地之心垂民神之望自然水瀆淮矣東去

淮水又東逕徐縣南歷澗水注水為

導徐城西北徐陂陂水南流絕蘄水逕歷澗城西

東南流注于淮

淮水又東池水注之

水出東城縣東北流逕東城縣故城南漢以數千

騎追于帥二十八騎引東城因四隕山斬將去即

厥菲織文者也。渙水又東南逕已吾縣故城南。又東逕鄆城。此春秋襄公元年經書。晉韓厥帥帥伐縣東南流逕谷陽縣八夫故瀆出焉。又東合長直故溝。溝上斬水南會于汶。汶水又東南流于汶縣。故城北縣有垓下。聚漢高祖破項預所在也。王莽更名其縣曰育城。應劭曰汶水所出音絞。經之絞也。汶水又東南入于淮。故應劭曰汶水南入淮。淮水又東至嶢石山。潼水注之。水首受潼縣西南潼陂。縣故臨郡之屬。縣王莽改曰成信矣。南逕沛國夏丘縣。絕斬逕夏丘縣故城西。王莽改曰歸思也。

又東南流逕臨潼。成西又東南鉅嶢石西南入淮。淮水又東逕浮山。

山北對石山。梁氏天監中立堰于二山之間。逆大地之心。垂民神之望。自然水瀆淮矣。

淮水又東逕徐縣南。歷澗水注水。

導徐城西北。徐陂陂水南流。絕斬水逕歷澗城西。

東南流注于淮。

淮水又東池水注之。

水出東城縣東北。流逕東城縣故城南。漢以數千騎追于帥。二十八騎引東城。因四隴山斬將去。即

此處也史記李惠八年封淮南勵王子劉賜為國
地理志王莽更名之曰武城池水北流歷二山間
東北入于淮胃之口也

淮水又東蘄水注之

水受睢水于谷熟城東逕建城縣故城北漢光武
元朔四年封長沙定王子劉拾為侯國王莽之多
聚蘄水又東南逕蘄縣縣有大澤鄉陳涉起兵于
此溝火為孤鳴處也南則汶水出焉蘄水又東南
北入夫八故溝出焉又東南流北長直故瀆出焉
又東入夏丘縣東絕潼水逕夏丘縣故城北又東

南逕潼縣又東南流入徐縣東絕歷澗又東逕大

徐縣故城南又東流注于淮

淮水又東逕夏丘縣故城西

治自後漢置成社亦有社在之也

也地理志曰都尉治武帝元封江都易王

又東逕廣陵廣淮陽城北龍池水注于二水之間述征

記淮陽太守水右岸即淮陰也城西二里有公路

浦西表術向九江將東奔表譚路出斯浦因以為

名焉又東逕淮陰縣故城北北院淮水漢高帝六

年封韓信為侯國王莽之嘉信也昔韓信去下鄉

此處也史記李惠八年封淮南勵王子劉賜為國
地理志王莽更名之曰武城池水北流歷二山間
東北入于淮胃之口也

淮水又東蘄水注之

水受睢水于谷熟城東逕建城縣故城北漢光武
元朔四年封長沙定王子劉拾為侯國王莽之多
聚蘄水又東南逕蘄縣縣有大澤鄉陳涉起兵于
此篝火為孤鳴處也南則汶水出焉蘄水又東南
北入夫八故溝出焉又東南流北長直故瀆出焉
又東入夏丘縣東絕潼水逕夏丘縣故城北又東

南逕潼縣又東南流入徐縣東絕歷澗又東逕大
徐縣故城南又東流注于淮

淮水又東歷客山逕時貽縣故城西

地理志曰都封治漢武帝元朔元年封江都易王
子劉蒙之為侯國王莽更名之曰匡武淮水又東
逕廣陵廣淮陽城北鮑泗水岨于二水之間述征
記淮陽太守水右岸即淮陰也城西二里有公路
浦西表術向九江將東奔表譚路出斯浦因以為
名焉又東逕淮陰縣故城北北鮑淮水漢高帝六
年封韓信為侯國王莽之嘉信也昔韓信去下鄉

而鈎於此處也東城有冢西者即票母冢也周
迴數百步高十余丈昔票母食信於淮陰信王下
邛蓋投金增陵以報母矣東一陵即信母冢也縣
有中瀆水首受江于廣陵郡之江都縣縣城臨江
應劭地理風俗記曰縣爲一都之會故曰江都也
縣有江水祠俗謂之伍相廟也子胥但配食耳歲
三祭與五岳同舊水道也昔吳將代齊北霸中國
自廣陵城東南築邗城城下掘深溝謂之韓江亦
曰邗溟溝自江東北通弋陽湖地理志所謂築水
也而地至未口淮自永和中江都水斷其水上丞

歐陽引江入埭六十里至廣陵城楚漢水間爲東
陽郡高祖六年爲荊國十二年爲吳城即吳王鼻
所築也景帝四年更名江都武帝元狩二年更名
廣陵王莽郡曰江平縣曰定安城東水上有梁謂
之洛橋中瀆水自廣陵北出武廣湖東陸陽湖西
二湖東西相直五里水出其間下注樊梁湖舊道
東北出至博芝射陽二湖西北出夾耶乃至陽山
矣至永和中患湖道多風陳敏因穿樊梁湖北口
下注津湖逕渡渡十二里方達北口直至夾耶與
寧中復以津湖多風又自湖之南北口松東岸二

十里穿渠入北口自後行者不復油湖改將齊三州論曰淮湖紆遠水陸異路山陽不通陳穿滿更鑿馬潁百里渡湖者也自廣陸出上陽白馬湖逕山陽城西即射陽縣之故城也應劭曰左射水之陽漢高祖六年封楚左令尹項繆爲侯國也王莽更之曰監淮亭世祖建武十五年封子荆爲山陽公治此十七年爲三國城本北中即將庾希所鎮中瀆又東謂之爲山陽浦又東入淮謂之山陽口者也

又東兩小水流注之

淮水左逕泗水國南故海郡也徐廣史記音義曰泗水國南多漢帝元鼎三年初置都郟四年常山憲王子思王商爲國地理志曰王莽更泗水郡爲順水陵縣爲生菱陵注之水出凌縣東流迤其縣故城東而東南流注于淮寔曰口也應劭曰凌水出縣西南入淮即經所謂之所者也

又東至廣陵淮浦縣入于海

應劭曰浦岸也蓋側淮瀆故受此名淮水出縣故城王莽更名之曰淮敬淮水於縣板分北爲游水歷胸縣與沐合又匡胸山西山側有胸縣故城秦

始皇三十五年於胸縣立石海上以爲秦之東門
崔琰述初賦曰倚高艦以周眎兮觀秦門之將將
者也東北海中有大州謂之郁洲山海經所謂郁
山在海中者也言是山自蒼梧徙此云山上猶有
南方草水今有州治故崔李珪之叙述初賦言郁
州者故蒼梧之山也心悅而慳之聞其上有仙士
石室也乃往觀焉見一道人獨處休休然不談不
對顧非已及也即其賦所云吾夕日濟于郁州者
也游水又地逕東海利城縣故城東之故利鄉也
漢武帝元朔四年封城陽兵王子嬰爲侯國王莽

更之曰流泉游水又北歷羽山西地理志曰羽山
在祝其縣東南尚書曰堯時咨四岳得舜進十六
族殛鯀于羽山是爲擣飢與驩兜三苗共工同其
罪故世謂之四凶鯀既死其神化爲黃龍入于羽
洲是爲夏郊三代祀之故連山易曰有崇鯀伏于
羽山之野者是也浙水文北逕祝其縣故城西春
秋經書夏公會齊侯于夾谷左傳定公十年公及
齊平會于祝其實夾谷也服處也地二名王莽更
之曰猶亭縣之東有夾口浦游水左逕瑯鄉即丘
縣故城之西地理志曰莒子始起于此後徒莒有

有監官故世謂之南莒也游水又東北二韜榆縣
北東側巨海有秦始皇碑在上去海一百五十
步朝水至加其上三尺去則三尺所見東北傾石
長一丈八尺廣五尺厚三尺八十一行一十二字
游水又東北逕紀鄆故城南春秋昭公十年齊伐
莒莒子奔紀鄆莒之旼人怨莒子之害其夫老而
託紡焉取其纆而夜緹緹絕鼓譟城上人亦譟莒
共公懼啓西門而出齊遂入紀故紀子帛之國穀
梁傳曰吾伯姬歸于紀者也杜預曰紀鄆地二名
東海韜榆縣東北有故紀城即此水也游水東北
入海舊吳燕岱常泛海憚其濤嶮更公湖是瀆是
由出地里志曰游水自淮浦北入海爾雅曰淮別
爲許游水亦枝稱者也

外經卷第三十

長一丈八尺而三及厚三尺六寸一分一釐二毫
 桂水又東北流經地勢峻高春秋昭公十年魯
 君也魯君紀無憂之故人怨魯君之害其大夫
 訟於魯公紀無憂之罪人亦請魯公
 魯公欲殺之紀無憂之罪人亦請魯公
 由出此里志曰桂水自邾南北入海平海曰海
 人海善吳燕於魯文無罪其有金更公購吳賣



